

Broj: 101-1-1559 /23Datum: 10.5.2023.

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj 39/14 i 59/22), članom 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14), članom 27. stav (2) Pravilnika o javnim nabavkama Univerziteta „Džemal Bijedić“ u Mostaru broj: 101-1-1638/17, a na preporuku Komisije za javnu nabavku broj: 180-1555/23 od 09.05.2023. godine, rektorica Univerziteta „Džemal Bijedić“ u Mostaru, donosi

ODLUKU

o izboru najpovoljnijeg ponuđača u postupku nabavke „Nabavka automobila za potrebe Građevinskog fakulteta Univerziteta 'Džemal Bijedić' u Mostaru“

I

Prihvata se preporuka Komisije za javnu nabavku u postupku nabavke automobila za potrebe Građevinskog fakulteta Univerziteta „Džemal Bijedić“ u Mostaru, broj: 180-1555/23 od 09.5.2023. godine i Ugovor za javnu nabavku u predmetnom postupku se dodjeljuje ponuđaču „AUTOSALON PAL“ d.o.o. Mostar, ponuda broj: 23-310-0008 od 05.5.2023. godine.

II

Ugovor za javnu nabavku dodjeljuje se ponuđaču iz tačke I ove Odluke, sa ukupnom cijenom u iznosu od 14.200,00 KM bez PDV-a.

III

Izabrani ponuđač je dužan da u roku od 4 (četiri) dana od dana prijema ove Odluke dostavi originale ili ovjerene kopije dokumentacije o ispunjavanju uslova lične sposobnosti iz člana 45. Zakona o javnim nabavkama, a u skladu sa tačkom 10. Tenderske dokumentacije.

IV

Prijedlog Ugovora o nabavci dostavit će se na potpis odabranom ponuđaču nakon isteka roka od 10 dana, od dana kada su svi ponuđači obaviješteni o izboru najpovoljnijeg ponuđača.

V

Plaćanje odabranom dobavljaču vrši se iz sredstava Građevinskog fakulteta Univerziteta „Džemal Bijedić“ u Mostaru, u skladu sa uslovima iz Ugovora.

VI

Ova Odluka objavljuje se na web stranici Univerziteta, www.unmo.ba istovremeno sa upućivanjem obavještenja ponuđačima koji su učestvovali u postupku javne nabavke, u skladu sa članom 70. stav 6) Zakona o javnim nabavkama („Službeni glasnik BiH“, broj: 39/14 i 59/22).



VII

Obavještenje o dodjeli ugovora i Izvještaj o provedenom postupku objavljuje se u skladu sa članom 74. i 75. Zakona o javnim nabavkama („Službeni glasnik BiH“, broj 39/14 i 59/22).

VIII

Ova Odluka se dostavlja svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Odlukom broj: 101-1-1467/23 od 27.04.2023. godine pokrenut je postupak javne nabavke automobila za potrebe Građevinskog fakulteta Univerziteta "Džemal Bijedić" u Mostaru. Komisija za provođenje postupka javne nabavke imenovana je Odlukom broj: 101-1-1468/23 od 27.04.2023. godine. Postupak nabavke proveden je putem konkurentskog zahtjeva za dostavu ponuda. Kriterij za dodjelu ugovora je najniža cijena. Shodno Odluci o pokretanju nabavke ukupna procijenjena vrijednost nabavke bez PDV-a iznosi 15.000,00 KM. Obavještenje o nabavci broj: 7386-7-1-1-3-1/23 objavljeno je na portalu javnih nabavki dana 27.04.2023. godine. Tenderska dokumentacija je objavljena na portal javnih nabavki odakle ju je preuzelo 10 potencijalnih ponuđača. U skladu sa Tenderskom dokumentacijom i obavještenjem o nabavci dana 08.5.2023. godine sa početkom u 12:15 sati održano je javno otvaranje ponuda.

U predviđenom roku za prijem ponuda (08.5.2023. godine do 12:00 sati) zaprimljena je 1 (jedna) ponuda kako slijedi:

	Broj protokola	Naziv/ime ponuđača (šifra)	Datum i sat prijema
1.	180-1541/23	AUTOSALON „PAL“ d.o.o.	08.5.2023. godine u 11:05 sati

Komisija je izvršila pregled, analizu i ocjenu traženih i dostavljenih dokumenata na osnovu kojih se utvrđuje postoje li razlozi isključenja ponuđača, kao i analitički prikaz traženih i dostavljenih dokumenata u svrhu ispunjavanja svih uslova shodno tenderskoj dokumentaciji, kao i analizu ponuda vezano za ispunjenje zahtjeva u pogledu opisa predmeta nabavke i obrasca za cijenu ponude.

Nakon izvršenog pregleda ponuda Komisija je jednoglasno konstatovala sljedeće:

Ponuda ponuđača „AUTOSALON PAL d.o.o.“ je kompletna i prihvatljiva i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te je utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije. Ukupna cijena ponude iznosi 14.200,00 KM bez PDV-a. Ponuđač nije dao popust na cijenu.

Nije bilo osnova za ispravku računске greške.

Tačkom 20. Tenderske dokumentacije bilo je predviđeno održavanje e-aukcije za ovaj postupak nabavke, međutim, kako je pristigla samo jedna ponuda, e-aukcija nije ni zakazana.

Shodno svemu naprijed navedenom Komisija je jednoglasno ocijenila da je ponuda ponuđača „AUTOSALON PAL“ d.o.o. Grude, sa ukupnom cijenom ponude u iznosu od 14.200,00 KM



najpovoljnija, a u skladu sa postavljenim kriterijem najniža cijena, te jednoglasno predložila da se u nabavci predmetnih roba ugovor dodijeli ponuđaču „AUTOSALON PAL“ d.o.o. Grude.

Ovom Odlukom prihvaćen je prijedlog Komisije. U postupku donošenja Odluke posebno su cijenjene činjenice da je Komisija za javne nabavke pravilno i potpuno dala ocjenu prispjelih ponuda kao i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa najkasnije u roku od 5 (pet) dana od dana prijema ove Odluke, u pisanoj formi u tri primjerka.

Prilog:

1. Zapisnik o pregledu i ocjeni ponuda

Dostaviti:

1. Ponuđaču: AUTOSALON PAL d.o.o.
2. Građevinskom fakultetu
3. Arhiva javnih nabavki
4. a/a

REKTORICA

prof. dr. Alena Huseinbegović

